



Broj: 02-04-3-2462/24
Goražde, 19.09.2024 godine

Na osnovu člana 70. Zakona o javnim nabavkama ("Službeni glasnik BiH" br. 39/14, 59/22, 50/24) u postupku javne nabavke usluga izrade Idejnih i Glavnih projekata, Gradonačelnik Grada Goražda donosi:

O D L U K U

o poništavanju postupka javne nabavke usluga izrade Idejnih I Glavnih projekata

I

Ovom Odlukom poništava se postupak javne nabavke usluga izrade Idejnih i Glavnih projekata.

II

Postupak nabavke se poništava u skladu sa članom 69. stav (3) Zakona zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Ova Odluka će se objaviti na web stranici Grada Goražda www.gorazde.ba sa istovremenim upućivanjem ponuđačima koji su preuzeli tendersku dokumentaciju.

O b r a z l o ž e n j e

Gradonačelnik Grada Goražda je dana 13.09.2024. godine donio Odluku broj 02-04-3-2462/24 o pokretanju postupka javne nabavke usluga izrade Idejnih i Glavnih projekata, putem konkurentskog zahtjeva za dostavljanje ponuda.

Na osnovu navedene odluke objavljeno je Obavještenje o javnoj nabavci na portalu javnih nabavki dana 16.09.2024. godine. Tenderska dokumentacija za ovu nabavku je također objavljena na portalu javnih nabavki.

Nakon objavljivanja Obavještenja o nabavci, ustanovljeno je da usljed tehničke greške prilikom objave, polje predviđanje e- aukcije nije isključeno.

Obzirom da su predmet nabavke usluge koje podrazumjevaju inetelektualni rad koje se ne mogu rangirati pomoću automatskih metoda ocjene, provođenje e-aukcije nije moguće. Također u ovoj fazi postupka nabavke nije moguće izvršiti izmjenu Obavještenja o nabavci u navedenom smislu.

Iz gore navedenih razloga, a u skladu sa članom 69. stav (3) Zakona o javnim nabavkama, odlučeno je kao u dispozitivu ove Odluke.


POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Akt sačinila: Linaida Pilav

Akt kontrolisao: Berin Kulelija

DOSTAVITI:

1. Ponuđačima,
2. Web stranica,
3. Služba za urbanizam, prostorno uređenje i komunalne poslove
4. u spis
5. a/a



GRADONAČELNIK

ERNEST IMAMOVIĆ